



門 5  
號 6978  
卷 8

日本外史拾遺卷八



日本碎語

江都岡部英晚香

元人朱世字希賢以所歷海洋山島与夫風物所聞舟  
航所見各成一詩尾紹以古句名鯨背吟徐伯齡  
蟬精雋載之吾杭汪翼澹賈於海外著日本碎語  
一卷而云袖海編備記彼國之山川風物俗物產史家作外  
國傳必有取乎此余嘗從通鮑君以文刻入知不  
足竊崇其書尚未果略采數則如左非希賢以詩



昭和二十九年  
五月十日  
購求

習俗如此

估客所集之地為長崎島又名瓊浦猶中國一大都會也距王城尚三千餘里山水秀麗烟火萬家有七十二衛各有名又曰町有長客舟至則町長主之通館如歸宴會無虛日

官有使院秩視二千石專司兩國通商之事常理崎政一年而代通稱曰王家其屬曰年行司又有高木王世守其政使院之事得協理之

坐以東面為尊有所使令則拍手代呼聞聲而至性

和緩雖甚然無疾言遽色

同安陳倫炯海國聞見錄云東洋人語言

寂呼僮僕鳴掌則然諾

臥無被褥有寢衣亦無一定之所但用六幅<sup>短</sup>屏障之即別內外矣枕用木名麻姑喇僅四寸許豎枕腦後不著耳故其聽較華人為聰

席地而坐無拱揖之煩客至主人以烟盤置客前中置火爐烟盒唾壺各一聽客自取呼烟為淡巴菰烟筒為笈世留宴客亦人各授一器如古盤匣之屬高廣尺許酒爐製作甚精銅表錫胎以木架承之下

二層貯諸色器具名曰便道又有郊游所攜者名曰受百果茶甌頗大而點茶不過二三分酒杯如椀而斟必十分淋漓而止少則為不敬也行酒必主人先飲而後酌客

妓凡最盛宴必有妓名曰撒撒美其進館以申刻點名出亦如之名為應辨性多聰慧工修飾善事客且為客謹出入握筭算若將終身焉以是客多惑之客納妓名曰太由華言大夫也其俗有摸心山落魄橋之謗言唐人經此心醉魂銷忘其為旅人矣妓所

居之地曰花衛有狐狸廟月祀之若優伶之家則祀

雷海青云

男女俱不剃胎髮男至成童只剃頂髮留兩鬢及腦後者總梳一角澤以蠟油扎紮之惟醫人鬻者剃髮如僧

五倫中惟君臣主僕之義最嚴其他蔑如也凡生子先女而晚得男者即納壻為長子幼子降而為孫舉三子者過繼一二故仝胞而不異姓者極為難得

人死無棺殮用木桶趺坐其中實以葦草香習異日而葬

貴賤一體子若婦持服二十五日而畢

長崎在彼國稱窮島然宴人絕少富家資產盈十萬夜懸一燈於門信者燈亦信之

書籍甚多間有中國所無之本亦建聖廟有官稱聖廟先生客有攜書往售者必由聖廟官檢閱恐涉天主教耳余購得古文孝經孔氏傳及七經孟子考文補遺傳之士林烏

俗禁天主教甚峻唐船初至例有讀告示踏銅板二事告示敘說天主教煽惑人心慮客有挾之

而未有故徧諭之銅板鑄天主像踐踏以明無習教之人

諸菜中菜菔最佳有九子梅紅花千瓣一帶九子結實時止留四五枚大如杯

鴉之大如鵝飛時百十為群而不畏人

海岸多鹿皆大魚所化常見魚躍出沙際不踰時而已奔之跋亦有鹿身魚首尚未全變者

余三到崎島未得一游王都曾因遭風漂至一處遙望白石為城真如蓬萊崑崙不知何國恐未

必是其都也

梁玉繩清白士集卷二十四警記

松井氏墨譜

全里汪翼滄鵬三至日本攜歸其國松井氏墨譜一帙  
所造墨數百品備足碑墨為最余于汪處見之小  
楷圖式皆絕精注云有王衍墨長寸餘闊八分兩  
頭如圭凡誤書文字不做刀水直以墨就誤處磨之  
一掃無痕惜購不可得

同上

日本欽明天皇

同要

日本欽明天皇 一名天國排開廣庭天皇國王以  
王為姓梁大同八年立在此位三十二年改元八朱彝尊  
跋海東諸國紀云日本東鑑即吾妻鏡往時亡友鍾  
廣漢撰歷代建元考獲東鑑喜劇著之于錄  
然東鑑止紀其國八十七年事晚得朝鮮人申叔舟  
海東諸國紀此邦君長授受改元由周至于明初  
珠連繩貫因取以補廣漢遺書玉繩購二書數十  
年不可得竹垞翁所補又無從訪求祇據宋史日本  
僧裔然年代紀及廣漢書為說知日本元號之

闕漏尚多矣同要或云同安

清白士集卷十二元號畧

平秀吉

文祿

平秀吉

日本叛臣當明万曆卅四年曆七載乃死

同上

松元彙墨譜後編

元正

日本

未知何主當在何時見其國人松井氏墨譜

及松元彙墨譜後編

同上

吾妻鏡

寬永

日本

未知何主徐葆光中山傳信錄琉球平日行寬

永錢寬永元年為明天啟二年周煌琉球國志畧

謂當在天啟四年案朱彝尊自跋吾妻鏡言其

後序中有寬永二年當天啟四年則周尚書說非也

同上

服元高白侃論語義疏疏刻序

寬延

日本

未知何主見其國人平安服元高白侃論語義

疏新刻序稱寬延庚午乃乾隆十五年也

同上

松井氏墨譜

安永

日本 未知何主當乾隆間見松井氏墨譜

同上

岡田挺之鄭注孝經序

寬政

日本 未知何主當乾隆間見其國人尾張岡田挺之

鄭注孝經序

同上

東鑑

天平勝寶

日本女主孝謙天皇 唐天寶六年立改元二宗史

日本傳作孝明天王今從鍾氏所錄東鑑

同上

天澤山人樂書要錄跋

靈龜

日本 未知何主當唐玄宗時見其國天澤山人樂

書要跋

同上

日本刻君羊書治要

承和



日本 未知何主日本國刻群書治要序云我朝承和  
貞觀之間致重雍龍不熙之盛其例言云承和貞觀  
之際距今殆千年書刻于唐熙初則此二號當唐玄  
宗時而肅然不紀東鑑不載何也 同上

天澤山人文館詞林跋

弘仁

日本 未知何主見天澤山人文館詞林跋其稱弘仁  
十四年歲癸卯當唐穆宗長慶三年也 同上  
天澤若經孔氏傳跋

弘永

日本 未知何主見天澤若經孔氏傳跋當乾隆  
間 同上

大學頭藤信篤

寶永

日本 未知何主何時見其國人大學頭藤信篤  
所刻小本孝經跋稱寶永三年 清白士自不卷十三元  
覽里

安徳天白己

養和

日本安德天皇言仁 在位二年禪于弟後四年

以<sup>平</sup>民作亂没于海改元二未知當宋何代 同上

山井鼎所

享保

日本 未知何主見山井鼎所七經孟子考文及古文考

經序松井氏墨譜亦有之其原與五十五年享保

元年也 同上

日本入貢

永鎮

日本 未知何主明正德七年日本入貢南京禮部

司務陳瑞甫問其年號乃是永鎮八年其改元

當弘治十八年 同上

林信敬細井德民

天明

日本 未詳何主序妹婿許宗彥購得日本所刻魏

文貞群書治要前有序例序為林信敬作未署天

明七年丁未例為細井德民作未署天明五年乙巳而

例言<sup>中</sup>實見永中校藏此書致實見永元年當明天啟初

年則天明五年乙巳為康熙三年抑乾隆五十年也清  
士集卷十四元號畧

奄然

大寶

日本文武天皇 唐武后聖曆二年立宋史有然

云大寶三年當長安元年則是聖曆二年為大寶元

年也東鑑謂長安元年立以非同上

細井德民

正和

日本繼體天皇 梁天監時

日本 東鑑又載此號未知何主日本所刻群書

治要細井德民例言云正和年中請中祕寫藏至天明

時言其免兵祿乃範金獻之則正和當元仁宗

之世欵同上

元號補遺

補遺

余輯元號畧撫采日本號名恨無從訂其缺誤

嘉慶乙丑夏五全里王觀宸自日本歸得其國人款

刻大成年代廣紀一紙高一尺博尺<sub>四</sub>寸半兩面細  
書橫列十二層凡百二十代起周惠王十七年至今上  
嘉慶五年上紀本國年代黑字下記中國年代朱字  
瞭若指掌余借閱旬餘獲益良多然以校鐘  
淵映所錄東鑑頗不合而號名亦有未載者元號  
略付梓已久不能刊改因依次比敘卷末補所未及  
并著其畧全以備攷

三十七代孝德唐貞觀十九年立至永徽五年在位十年改  
元大化<sub>五年</sub>補白雉<sub>五年</sub>宗鍾書無大化有常邑謂永

徽元年立又鍾書二十七代繼體始建身號改元三  
善化正和發日二十九代宣化改元一僧聽三十代欽明  
改元八同要貴樂結清兄弟藏和師安和僧金光  
三十一代敏達改元三賢接鏡當勝照三十二代崇峻  
改元一瑞政三十四代推古改元六從貴<sub>僧</sub>頌轉光元定  
居倭京仁至三十五代舒明改元三聖德要命長廣  
元年號始孝德故皆不載

三十八代齊明永徽六年立至龍朔元年在位七年不改元蓋  
仍用白雉也鍾謂齊明即三十六代皇極後位前在位

三年負觀十六年立後在位七年永徽六年立仍用白  
雉後改元一白鳳

三十九代天智龍朔二年立至咸亨二年在位十年不改元  
鍾謂仍用白鳳

四十代天武咸亨三年立至垂拱二年在位十五年改元二白  
鳳四十朱雀年一鍾謂初仍白鳳後改元二朱雀朱鳥

四十一代持統垂拱三年立至萬歲登封元年在位十年  
不改元鍾謂初仍朱鳥後改元太和

四十二代文武神功元年立至景龍元年在位十一年前

四年不改元後改元二大寶三年慶雲補四年鍾缺慶雲

又宋史作聖曆二年立東鑑作長安元年立

四十三代元明景龍二年立至開元二年在位七年改元和  
銅補鍾無此代別出阿閉飯依二皇廣記無之

四十四代元正開元三年立至十一年在位九年改元二靈  
龜二年養老七年鍾錯列在後謂立于宋天聖時又缺

靈龜

四十五代聖武開元十二年立至天寶七年在位二十五年  
改元二神龜五年補重天平廿年東鑑作白龜宋史誤作

寶龜

四十六代孝謙天寶八年立至乾元二年在位十年改元二  
勝寶年寶字二年鐘謂立於天寶六年本四字號此  
從省

四十七代廢帝乾元二年立至廣德二年在位六年仍用寶  
字

四十八代稱疑即德永泰元年立至大曆四年在位五年

改元二神寶二年景雲三年鐘無此二代別出天炊高

野白碑玉三皇廣記無

四十九代光仁大曆五年立至建中二年在位十二年改元

二寶龜十一年天應一年鐘缺天應又錯列在後謂立於

大和四年

五十代桓武建中三年立至永貞元年在位二十四年改

元延曆

五十一代平城元和元年立至四年改元大同補鐘無此代

別出諾樂天皇

五十二代嵯峨元和五年立至長慶三年在位十四年改

元弘仁鐘缺弘仁

五十二代淳和長慶四年立至大和七年在位十年改元天  
長鐘以天長為後皇清和之號

五十四代仁明大和八年立至大中四年在位十七年改元二  
承和十四嘉祥三年鐘無此代

五十五代文德大中五年立至十二年在位八年改元三仁  
壽三年齊衡三年天安三年鐘缺三號

五十六代清和天中十三年立至乾符三年在位六年改元  
貞觀鐘缺此號

五十七代陽成乾符四年立至中和四年在位八年改元

慶鐘以元慶為清和之號

五十八代光孝光啟元年立至文德元年在位四年改元  
仁和補鐘以仁和小皇次光孝不作年號

五十九代宇多就紀元年立至乾寧四年在位九年改  
元寬平補鐘無此代

六十代醍醐光化元年立至長興元年在位三十三年  
改元三昌三年延喜廿二年鐘缺延喜

六十一代朱雀長興二年立至晉開運三年在位十六年改  
元二承平七年天慶九年鐘尚有長曆一號又錯列在後

謂立於宋仁宗時別出天慶天白之

六二代村上漢仍稱晉天福十二年立至宋乾德五年在

位二十一年改元四天曆十年天德四年應和三年康保四年

鍾惟有康保一號村上作封上又康保止四年金石錄

有五年

六三代冷泉開寶元年立至二年改元安和鍾作在位十

六年

六十四代圓融開寶三年立至雍熙元年在位十五年改

元五天祿三年天延三年貞元二年天元五年永觀二年

補

六十五代花山雍熙二年立至三年改元寬和鍾無此二

代別出守平天皇以永延為守平之號

六十六代一條雍熙四年立至大中祥符四年在位二十五年

改元六永延二年永祚一年正曆五年長德四年長保五年寬

弘八年鍾惟有長德一號以正曆為後尊高倉之號又

謂立於景德四年在位二十年

六十七代三條祥符五年立至九年改元長和鍾缺長和

六十八代後一條天禧元年立至景德三年在位二十年改



元四寬仁四年治安三年萬壽四年長元九年鍾錯

列在後惟寬仁一號

六十九代後朱雀景祐四年立至慶曆五年在位九年改

元三長曆三年長久四年寬德二年鍾以長曆為前朱

雀之號餘二號缺

七十代後冷泉慶曆六年立至熙寧元年在位二十三

年改元四永承七年天喜五年康平七年治曆四年鍾惟

康平一號餘三號缺

七十一代後三條熙寧二年立至六年改元延久鍾無此

代

七十二代白河熙寧七年立至元祐元年在位十三年改

元四承保三年承曆四年永保三年應德三年鍾惟承保

一號餘二號缺又錯列在堀河後

七十三代堀川元祐二年立至大觀元年在位二十一年改元

七寬治七年嘉保二年永長一年承德二年康和五年長

治二年嘉承二年鍾惟康和一號餘六號缺堀川作堀

河

七十四代鳥羽大觀二年立至宣和五年在位十六年改元

五天仁<sup>二年</sup>補天永<sup>三年</sup>永久<sup>五年</sup>元永<sup>二年</sup>保安<sup>四年</sup>鍾有  
元永保安二號餘缺

七十五代崇德宣和六年立至紹興十一年在位十八年改元

六天治<sup>二年</sup>補大治<sup>五年</sup>天承<sup>一年</sup>補長承<sup>三年</sup>補保正<sup>六年</sup>永治

<sup>一年</sup>補鍾惟保正一號餘缺

七十六代近衛紹興十二年立至二十五年改元五康治

<sup>二年</sup>補天養<sup>一年</sup>補久安<sup>六年</sup>仁平<sup>三年</sup>久壽<sup>二年</sup>

七十七代後白河紹興二十六年立至二十八年改元保元鍾

無此二代又以保元為高倉之號

七十八代二條紹興二十九年立至乾道元年<sup>在位七年</sup>改

元五平治<sup>一年</sup>永歷<sup>一年</sup>應保<sup>二年</sup>長寬<sup>二年</sup>永萬<sup>一年</sup>鍾惟

長寬一號以平治永歷為高倉之號又錯列在前

謂當仁宗時

七十九代六條乾道二年立至四年改元仁安<sup>三年</sup>補重鍾無

此代

八十代高倉乾道五年立至淳熙七年在位十二年改元

四嘉應<sup>二年</sup>補承安<sup>四年</sup>安元<sup>二年</sup>治承<sup>四年</sup>鍾謂高倉在

位四十年改元七永歷正歷承安保元平治安元治承

而無嘉應

八十一代安德淳熙八年立至十年改元二養和年壽永  
二年鍾謂在位二年

八十二代後鳥羽淳熙十一年立至慶元四年在位十五年  
改元三元曆年一文治年五建久年九鍾謂在位十三年

八十三代上御門慶元五年立至嘉定三年在位十二年改  
元五正治年二建仁年三元久年二建永年一承元年四鍾謂在

位十六年

八十四代順德嘉定四年立至十四年在位十一年改元三

建曆年二建保年六承久年三鍾謂在位十二年

八十五代後堀川嘉定十五年立至紹定五年在位十一  
年改元六貞應年二元仁年一嘉祿年二安貞年二寬吉年三

貞永年一鍾謂在位十三年改元八以後皇天福文曆  
二號入此

八十六代四條紹定六年立至淳祐二年在位十年改元六  
天福年一文曆年一嘉禎年三曆仁年一延應年一仁治年三鍾謂

在位八年嘉禎作嘉貞

八十七代後嵯峨淳祐三年立至六年改元寬元年四

八十八代後深草淳祐七年立至開慶元年在位十三年  
改元五寶治二年建長七年康元年正嘉二年正元年  
鍾缺寶治正嘉作正嘉又謂在位二十八年蓋  
并後皇龜山之年數之

八十九代龜山景定元年立至咸淳十年在位十五年改

元三文應一年弘長三年文永十一年鍾欽世次止此

九十代後宇多德祐元年立至元元二十四年在位十

三年改元二建治三年弘安十年

九十一代伏見至元二十五年立至大德二年在位十二年改

元二正應五年永仁六年

九十二代後伏見大德三年立至五年改元正安

九十三代後三條號重七年大德六年立至十一年改元三彭乾

元一年補重嘉元三年德治二年

九十四代花園至元大年立至延祐五年在位十一年改元

四延慶三年應長一年正和五年文保二年

九十五代後醍醐延祐六年立至至順二年在位十三年改

元六元應二年補元亨三年正中二年補嘉曆三年元德

二年元弘一年

九十六代光嚴至順三年立至元三年在位六年改元三

正慶二年補建武二年補重延元二年補

九十七代光明至元四年立至正九年在位十二年改元

三曆應四年補康永三年補貞和五年補

九十八代崇光至正十年至十一年改元觀應補

九十九代後光嚴至正十二年立至明洪武四年在位二十

年改元五文和四年補延文五年補康安一年補貞治六年應

安四年補

百代後四字未詳融洪武五年立至十六年改元三前三年仍應安不改

元補重永和四年補重康應二年補永德三年補重

百一代後小松洪武十七年立至永樂十年在位二十九

改元五至德三年補重佳慶二年補康應一年補明德四年補重應

永十九補

百二代禰光永樂十一年立至宣德三年在位十六年前十五年仍

應承不改元正長一年補

百三代後花園宣德四年立至成化元年在位三十七年

改元八永亨十二年補嘉吉三年補文安五年補重寶德三年補亨

德三年補康正二年補長祿三年補寬正六年補

百四代後上御門成化二年立至弘治十三年在位三十九年

改元六文正一年補應仁二年補文明八年補長亨二年補延德

三年補明應九年補重

百五代後相原弘治十四年立至嘉靖六年在位二十七年

改元三文龜三年補永正十七鐘續大永七年補

百六代後李良嘉靖七年立至三十六年改元三亨祿

四年補天文廿三年補弘治三年補重

百七代正親町嘉靖三十七年至萬曆十四年在位二十

九年改元三永祿十二年補元龜三年補天正十四蓋

百八代後陽成萬曆十五年立至三十九年改元二前五年仍天正

不改文祿四年補重案其時叛臣平秀吉元作亂改元文祿國主何以全之慶長十六

百九代後水尾萬曆四十年立至崇禎二年在位十八年改

元二前三年仍慶元和九年補寬永十六

百十代明正崇禎三年立至十六年仍寬永不改元

百十一代後光明我朝順治元年立至十一年改元三正保

四年補慶安四年補承應三年補

百十二代後西院順治十二年立至康熙元年在位八年改

元三明曆三年補萬治三年補寬文二年補

百十三代靈元康熙二年立至二十六年改元三前十年仍

元延寶八年天和三年貞享四年

百十四代東山康熙二十七年立至四十九年改元二元祿

十六寶永七年

百十五代中御門康熙五十年立至雍正十三年在位二十

五年改元二正德五年享保二年

百十六代櫻町院乾隆元年立至十二年改元三元文五

寬保三年延享四年

百十七代桃園院乾隆十三年立至二十六年改元二元寬延

三寶曆十一年

百十八代仙洞御所乾隆二十七年立至三十六年前二年

元不改改元明和八年

百十九代後桃園院乾隆三十七年立至四十五年改元安

永九年

百二十代今國王以乾隆四十六年立敘至嘉慶五年改

元二天明八年寬政十二年

廣記於明洪武三年至二十五年上層槎列朱字云建

德二補文中三補天授六補弘知三補元中九補而於元

中七年注云南朝五十五年終於九年注云南北朝合  
未知何國之號俟考

凡補專號八十三重號二十六

予友梁諫庵著元號畧四卷搜考極博在鍾廣  
漢趙月聲二書之上間有疎漏予為補之年未予有  
纂述每就政諫庵隨時削改此所校亦以報也諧  
以敦

寬永日本 寬永元年當天啟四年與補遺所載廣  
記符合

貞享日本 近見合類節用集大全一本彼國人所刊

後題貞享二年乙丑乃明嘉靖四十四年也本書及  
補遺廣記皆不載

治正 吳門王氏藏舊銅章面篆佛法僧寶背鑄  
治正丁亥四字或謂是日本號然日本有正治無治  
正也

義明 錢跋云日本

戊辰季夏陸君綴補充號略四紙既付梓矣閱  
一歲寄札云近見通州張學士誠紀年經緯攷所



宋元和馬紹基紀元韻覽較鈔本考証尤詳又有旁出他書及新得泉文類聚凡六十四條皆足以發予之踈漏其友蔡君增校十三條精審受益今續并刊之

文化 日本文化三年節氣圖凡三百五十四日每宿值年蓋嘉慶十一年丙寅歲也卷首有伊勢內宮佐藤伊織八字末有文化二年出五字

久定 馬云日本見宋稗類鈔草木類未詳何王

元和茶鐵耕校 名雲優貢生

補遺日本百五代 永正謂即永鎮則正德七年為永鎮九年與卷二載貢使所答差一歲

日本百八代 慶長十年為明神宗三十三年卷二引朱竹垞吾妻鏡跋亦差一歲

文化 杭人劉淇自日本歸贈梁文重刻廣記一紙敘至嘉慶十二年於舊刻今國王寬政十二年之後增享和三年文化四年

義明補遺

黃梨洲校刊忠端公說略附案云日本年號寬永海盜假借後國主平女主仍其號女主之子

始改義明宗廣記無此一號仍寬永號者為百十代  
明正院不言女主而利和洲曾至日本所說必非無據存  
疑可也

英案已上茲見清白士集卷十五

日本僧定心

久安

日本 未知何主周密癸辛雜識嘉定乙亥楊和  
王墳庵中有日本僧定心藏日本度牒有此號定心  
姓平食毒菌死  
清白士集卷十三元號畧



日本僧度牒

治象

日本 未知何主癸辛雜識謂楊和王墳庵中藏日  
本僧度牒有此號 同上

太平 孝謙天皇

太平 寶字

日本女主孝謙天皇 同上

吾妻鏡

慶長

日本 未知何主朱彞尊跋吾妻鏡言其前序稱  
慶長十年乃明万曆三十二年也 同上

齊明天皇

白鳳

日本女主齊明天皇 一名天豐財重日足姬天皇即  
皇極天皇復位前在位三年唐貞觀十六年立後在  
位七年唐永徽六年立 同上

聖武天皇

白龜

日本聖武天皇 唐開皇<sup>元</sup>中立在位二十餘年傳位稱  
太上皇改元二宋史作寶龜恐誤今從東鑑蓋其  
後光仁天皇改元寶龜也 同上

風俗論

近年已未民間盛行洋錢幾代制錢白金之半以其便  
也似非善事曰此亦俗之一變也友人陳仲魚孝廉風俗論  
一篇切中時弊其論云自古言凡俗者曰國者則示之以  
儀今日凡俗之弊愈革愈靡欲從而變易之非徒禁  
其奢已也尤必先去其邪夫居處之彫鏤服御之文繡

器用之華美古之所謂奢也今則視為平庸無奇而以外  
洋之物是尚如房室舟輿無不用頗黎衣服帷幙無不  
用多羅畢支羽毛之屬皆洋產也而什物器具無不  
貴乎洋者曰洋銅曰洋磁曰洋漆曰洋藤曰洋錦曰洋  
布曰洋青曰洋紅曰洋貂曰洋獺曰洋紙曰洋畫曰洋  
扇遠數之不能終其物而南方諸省則通行洋錢大  
都自日本流求紅毛英吉利諸國來者內地出其布帛  
菽粟民間至不可少之物与之交易彼外洋之物視內  
地之物或數十百倍夫以至不可少之物而易其至無用

之物有識者觀之方惜其為遠方所欺無如世風見異  
思遷一人非之不敵衆人慕之遂相率而納于邪不  
思布帛之貴惟洋物之求一家之中自堂室以至器用  
無非外洋者矣一人之身自冠服以至履舄無非外洋者  
矣其始達官貴人尚之浸假而至于僕隸輿士室浸  
假而至于倡優婢媵民間遂徧行焉外洋奇巧之物日  
多民間布帛菽粟日少以至積儲空虛民窮財盡可  
勝歎哉且也遠隔重洋舟楫往來多遭飄泊適遇  
盜船每被其劫奪是內地之布帛菽粟反資盜糧外

洋之珍奇貨物徒充盜用內地之商賈舟師每為戕害  
內地之舟楫棹槳盡付東流而憫不畏死之法冒險以  
往蓋俗之所尚利之所在故也然民間猶不足責竊怪  
夫達官貴人始之服用每覺相誇靡曾不慮其大為  
風俗所害吾不知其何心昔漢汝南許劭為郡功曹全  
郡表紹公族豪俠去濮陽令歸車徒甚盛入郡界乃  
謝曰吾輿服豈可使許子將見之遂以單車歸家晉  
蔡充好學有雅尚體貌尊嚴為人所憚高平劉整  
車服奢僭嘗語人曰紗縠吾服其常耳遇蔡子尼

在坐而經日不自安魏毛玠為東西掾典選舉以儉率  
人天下之士莫不以廉節自勵雖貴寵之臣輿服不敢  
過度彼仁人君子之處世以身率物移風易俗雖尋常  
車服之盛猶使人不敢過侈若此况奇邪是尚相沿成  
習而奢之又奢耶王制曰作淫聲異服奇技奇器以疑  
衆殺又曰闕執禁以稽禁異服月令曰毋或作為淫  
巧蓋大為之防政所以維持風俗耳有教民之責者必  
立法令以禁之制刑罰以嚴之則內地有用之物不得易  
外洋無用之物日月既久去邪反正僅見有用外洋服

物必駭為怪異之人則天下孰肯賈已之財干國之禁  
而招怪異之目哉仲魚又有官方吏治二論極言官和吏  
弛之弊通達透快皆有闕世道者也

清白士集附男  
梁田庭立記聞

卷四

五行大義得自日本

隋蕭吉撰五行大義五卷嘉慶初得自日本德清許  
兵部宗彥校刻行世其論五帝一段稱史記以伏羲女  
媧神農為三皇黃帝已下為五帝遷史無三皇紀  
城陽公何以有此言曰史記中三皇紀唐司馬貞所補

非蕭吉所見大義此言恐是別引他書謬稱史記也即  
如小司馬引皇甫謐帝王世紀謂以伏羲女媧神農為  
三皇而蕭吉引世紀又謂以伏羲神農黃帝為三皇少  
昊已下為五帝謚書今不傳亦無從訂其孰誤爾  
又論諸官一段引周書曰武王營洛邑未成四海之神  
皆會曰周王神聖當知我名若不知水旱敗之周書無  
其文亦不類蓋金匱六韜之屬也

庭立記聞卷二

洋楓

一枝春

洋楓本小葉嫩芽初發如燕支春深轉綠  
海賈載未購之甚不易得因賦此闕以記

草木之  
殊異也

江昉

丹鳳梭翎是誰乘萬里星槎偷取迴凡似無妍翦  
碎海天霞縷石家慢數縱七尺珊瑚輸與看最  
好照影扶疎畧借夕陽低護 猩紅漸無尋處  
到春深試驗綠陰同賦相思葉上秋光恰難題句遙  
情擬託應夢杳雲濤烟嶼深 錯認玉洞初開桃  
花帶雨 王昶國朝詞綜  
卷三十一

勸惜五穀字紙啟

荷香  
深處

蓋聞飲食為養命之原又字為立身之要人非五穀

不生無分男女世有四民之別都要聰明粒米雖微備  
農人之辛苦隻字雖小繫聖教之淵源惜食可以延生  
老幼均當修積惜字允宜降福士商豈有輕重當  
考功過格云惜五穀一次一功拾飯米於穢濁中者十  
粒一功棄五穀是天物一次五過棄字紙一片五過污  
穢者加倍功過森嚴報應不爽世人不容輕忽多端  
試以所見所聞為向善

諸君子詳言之富貴人家積穀盈倉食費萬錢  
尚不稱意盤餐拋棄飯米狼藉甚至滿地踐踏

目擊手不言污穢不堪猶言何害試思貧苦之人乞食途窮殘茶剩飯得飯飽為歡昏夜哀號無人佈施此時光景何以為景情貧賤人家苦積資財養生活命一朝得志遂為福命所招飲食何妨稍厚漸至不惜五穀作踐多端抑思穢柴作食積過已多何況糟塌飯米不思偶遇艱難錢鈔無從買食忽遭危急糠粃皆可充飢仔細想未能無敬惜惟願

諸君子思物力之維艱體養生之大要勿以他人之物而可輕勿以不在乎此而遽棄倘變味而不堪食者

可送清流雖污穢而尚可洗者毋即拋棄夫必降祥功無不歸將見急難時神明護佑窮困中際遇亨通也至於字紙一道何必讀書方知敬惜農工商賈都要用他世無文字則事何以作理何以宣人非敬惜則福何以臻罪何以懺每見人家以字紙改作還缸者一生貧賤惡之疾纏身廁上看書不思穢手殘書糊物那有慧心甚至以字紙擦拭几桌及口中嚼爛揉搓棄地經書作枕墊盤盛盒字紙引火并作紙燃隨手拋擲觀釘書藉刀截字跡踐踏入穢凡此種種不敬多致瘡



啞盲聾年貧苦終身招殃若禍長壽大島近為文  
墨土之邦才人崛起乃通商之輩無暇及此貨庫中  
滿地字紙草包上污穢踐踏雖商賈之粗疎亦與受  
者同罪甚至給票亂丟信札隨棄但物多用字紙  
塞墊尿糞竟與字紙聚堆聞者每致神傷見者何  
忍坐視惟願

諸君子隨時拾取到處留心少則自取付焚將反盛  
貯多則遣人收拾自行督率弗至虛文或送清流  
或埋淨土更祈轉相勸化曉及庸愚將見子孫盡

屬聰明祖宗不能超拔逢凶化吉遇難成祥壽算  
綿長財源茂盛弗以余言迂謬也

壬辰夏五月穀旦

吳中知非子敬勸

到處留心  
隨時積福

撮本一紙

逸雲

天中節日李少白兄回里送到

頌函并妙繪一幅石研一方索齋一箱拜領之餘慨與  
感并伏惟

先生名傾海外望重寰中宜凡宜雅不特為島嶼生

色柳亦我

朝駘壇之領袖也仰慕之私何日忘之

弟 且曩者不揣孤

陋自獻其醜誤蒙惠書加獎益令人汗顏無地矣惟是心切神交尚望不時賜以德音俾得有所遵循

何啻百朋之錫哉花月樓書畫是之舉誠盛事也弟

雖得之耳食然時從少白兄處悉每舉必刊一集嘉

惠後未便中能否郵寄一二衍宗少文之卧游其境并

得以快讀諸方名士佳音庶幾窺見一斑慰我欽佩

之忱承

委作華朗園畫譜之序淺學薄植何敢妄廁于大

雅之林第雅

雅意殷拳若固藏鳩拙必致必虛有

鴻教茲勉擬一稿敬呈

清鑑伏求削而存之其譜刻竣亦懇惠寄二三部俾

暢聞緒論勝讀十年書也畫筆一柄湖穎兩匣堂取稿

一函石刻乙帳藉呈

莞納不足為瓊瑤之報也外畫筆一柄堂取稿一函伏

希轉致東都朝川善菴先生奉答大學釋義賜示

之數承錫題詞並懇 賜函數行一併寄下尤感  
盛德外素絹一幅敬求

法畫夢夢圖另有圖畧呈

電如能更錫以題詞益榮寵無已耳再聞長崎為海  
外名邦人不輩出想著述滿家定多善本能否檢亦一  
二開我茅塞不殊親炙于几席間也 弟 困頓無聊暇  
時尚擬結伴 作浮海之行倘得天假其緣必當與

先生結莫逆交所夕叙首樂何如耶紙短不及縷述百  
維

道體為千秋珍重臨穎不勝依依之至專此奉覆順歡

迺祺統惟

荃照不宣

逸雲先生

我師

教弟

顧祿頌首

承惠畫軸已付裝池裝竟永作鎮家之寶矣再  
承賜題詞之兩先生乞叱名道一意有便懇附寄水  
一緘幸甚

道光壬辰五月二十四日拜書于茶磨山館

英案右顧祿真蹟小紙八張以雜花生樹屋

鷓鴣飛八字為號

善葦

輕陰曾記護征驂  
歸夢迢迢思不堪  
惟有桑乾河畔柳  
朝來分綠到江南

風之雨之惜華年  
終覺微暄嬾更眠  
曉起尚寒宵自暖  
謔他婉孌弄秋千

無言桃李自成蹊  
白之朱之放已齊  
挽住落英風裡舞  
不隨飛絮共沾泥

鄧尉香霏滿翠巒  
向誰推取一枝看  
淡雲微露矍矍

日似為梅花護嫩寒

茆屋臨流釣客過  
晚烟淡之暮青蘿  
紋織得簾波細  
看到斜陽近水多

敲詩獨自掩茆扉  
荊樹花開香滿衣  
庭草不嫌春意淺  
一雙蛺蝶上階飛

絳紗燈暖夜迢迢  
水閣依前奏碧簫  
畧記年時停畫舫  
衣香人影赤欄橋

近作錄呈

善葦先生詩句

顧祿

顧祿

文

英案右真頭真蹟觀於江山詩屋

荔枝

荔枝一名丹荔支南記曰此木以荔枝為名者以其結實時枝弱而蒂牢不可摘取以刀斧剝去其枝故以為名生嶺南巴中泉福漳興化濁渝涪及二廣州郡皆有之其品間為最蜀川次之嶺南為下樹形團圓如帷蓋莖如冬青華如橘乃木如蒲桃核如枇杷殼如紅繒膜如紫絹肉白如肪花於二三月實於五六月其根浮必須如糞土以培之性不耐寒最難培植纔經數霜枝葉枯死遇春三月

再發新葉初種五六年西復蓋之以護霜雪種之四五年始開花結實其木堅固有經四百餘年猶能結實者曬荔枝法採下即用竹筴朗曬經數日色變核乾用火焙之以核十分乾硬為度收藏用竹筴籠若葉裹之可以致遠成乃木曬乾者名為荔枝錦取其肉生以密熬作煎嚼之如糖霜然名為荔枝煎北方無此種自漢南粵以備方物於是荔枝始通中國漢唐時命驛馳貢洛陽取於嶺南長安未於巴蜀雖曰鮮獻傳置之速然腐爛之餘色香味之存者無幾蓋此果若離本枝一日色變二日香

變三日味愈四五日外色香味盡皆去矣非惟中原不常生  
荔之味江浙之間亦罕有今閩中歲貢亦曬乾者宋蔡  
君謨作荔枝譜載之各名色詳矣茲不復錄昔李直方  
第果實或薦荔枝曰嘗舉之首魏文帝詔群臣曰南  
方果之珍異者有荔枝龍眼焉今閩中荔枝初著花時  
商人計林斲之以立券一歲之出不知幾千萬億水浮  
陸轉販粵南南北外而西夏新羅日本流求大食之屬莫  
不受好重利以醉之夫以一木之實生於海濱巖險之遠  
而能名徹上京外被四夷重於當世是亦有足貴者故

附之穀譜是亦卓然為南北果品之奇者也

屠本峻閩中荔枝通

譜卷四引元王禎農書

倭寇

嘉定縣志傅孫字士凱師事歸有光其文長於論今古成  
敗倭寇圍崑山請總城出詣軍府告急乞師得解圍  
入股其才畧好春秋左氏更為之注參互以訂杜氏之訛  
具論事之得失悉中肌理

經義考卷二百三  
春秋古器圖條

呼弟曰阿多

日本圖纂日本人呼弟曰阿多

增訂金壺字  
考卷十五

廿七

日本用金印

昇州筆記王后東宮各王府用金寶東南諸國用鍍  
金銀印朝鮮日本淳泥國王哈密忠順王瓦刺西番王  
俱金印

西字通印字注

送費少塘士炎之日本

旗亭小雨洗輕塵塞雁隨君度海濱萬頃潮頭聲自  
壯一帆風勢捷如神酒惟寒夜飲無量話向離筵交更  
真鼇窟鯨波烟景潤定吟奇句寄鄉人

朱逢泰画石軒詩集卷三

得費少塘日本書喜作

分離已隔歲海外寄書回異境述何悉鄙人胸亦開霞  
明推日出水闊湧山未羈旅詩情壯翰君曠世才

同上

費少塘自日本

吾鄉顧見龍雲臣善人物上追道子下法龍眠而真迹  
十不能一費少塘自日本偶造訪之時值暑雨驟至留予  
小飲因出舊藏見龍商山四皓圖相賞二老相對品茗一老  
觀泉一老與小童嬉戲深得世外趣位置樹石亦得舊  
法閒暇把玩儘可移情也

朱逢泰画石軒卧遊隨錄卷四

小西飛

薛簡肅公奎絳州人契丹使蕭從順來朝時明肅太  
后垂簾聽政從順謂南使至契丹者皆見太后遂亦  
請見朝議未有以決公獨以理折之從順乃止近年閔  
白遣小西飛來朝朝議請主上臨御見之百官俱服大  
紅右都御史兼兵部侍郎沈思孝獨穿青入朝而主  
上免朝不出士論皆偉沈焉李樂見聞雜紀卷六

日本

日本雖朝實詐即古倭奴國東西南北相距萬餘里國  
主世以王為姓臣亦世官唐咸亨初惡倭名更號日本

太祖高祖皇帝何等威靈倭無歲不擾我海上屢遣公  
侯都督重臣議防議戰今安可以易視見聞雜紀卷四

攻桐鄉

嘉靖丙辰倭賊攻桐鄉城甚急城中有治人善鑄鐵  
以滾鐵盛杓滾下被之者無不立死賊懼焉如湖城  
外寬轉須防賊臺土上城四週沂城四五里間俱要用  
樹枝大者塞河道絕其來路又懸賞格不覓善浮水  
人暮夜能鑽賊船致破受上賞其紆曲小河須留以待  
民間往來逃避城外米穀柴草俱宜運進城中見聞



倭王

昇明二年倭王奉表條其祖之勳謂東北服者二百九十有六  
 國是固海東之國倭王所服者然其未服之國又幾十百  
 矣支顯西游道其所記數百國此于闐以西之國支顯所  
 知者然其所不知者又幾十百矣智猛法盛之錄曇勇道  
 安之傳蕃王之國不下四五百大廷四域之使魏氏四道之賓  
 所奏國數亦不下四五百此世所未嘗聞者是數千國俱  
 樂土也則海外之國不勝其多矣

劉壎隱居通  
議卷二十九

日本繡毬花

南風未海外吹綻小團圓吐萼初含綠染根俄變丹  
 垂懸蹴鞠袞壓闌干雨打戎葵折留渠愛惜看

查慎行敬業堂  
詩集卷四十三

贈王憲副印東平倭序

浙江浙東濱瀚海倭奴出沒吾寧波寔當其衝比年職貢曠  
 闕鈔掠內地皇上赫怒遣將督師所在飭備維時二華  
 譚公巡海以艱去清戎印東王公遂來攝事四境方靖謐  
 一日公檄兵往舟山衆不知所為至則倭奴艤舟將將向衆

倭力盡殲乃已士氣飈奮居無何倭舟蔽海分道入寇  
奉化象山定海諸邑長吏咸告急公情神怡適若無所  
事之倭聞不為意乃潛師從間道分兵薄其營倭盛  
兵未搏戰我兵且戰且卻左右伏起無不一當百倭踣而授  
首已又戰諸方門戰諸裏村戰諸朱家店戰諸戴輿  
兵數十合斬級以千計積屍成邱溪澗為赤全軍凱還  
懽聲雷動蓋自用兵以來未有若斯之捷之奇也衆趨  
轅門問故公曰不聞先人者奪人之心耶執數手幸匿形虎搏  
跼足避銳擊惰佯敗為功載諸兵志具有前徵夫

知進之為進而不知退之為進以藏用也知取之為取而  
不知棄之為取以俟機也兵忌小勝而驕將惡開竅久則  
懼諸軍識之范子開之曰嗟乎茲豈淺鮮已邪士平居  
抵掌談兵氣意勃之即繫單于勒燕然謂持節可  
立致鄙薄程李諸人以為無所建樹貽後代羞迨其  
呈身嬰變倉皇躑躅靡効尺寸因而墮土名墮行者不  
勲也士誠何貴藉焉虛聲哉印東公起家漳南明習兵法  
鎮蹀於靜歛才於思觀變制勝神赴節會莅不旬  
日而効勩策勲已章若斯得寄以節鉞要之歲時當

更有表見故曰非淺鮮已今且得代當行予不能不為吾人慮也雖然強弱異形避就異勢浙兵素居怯於野戰倭奴往之蔑視無忌今若茲吾兵乘勝鼓憤目中已無倭奴倭奴亦且懲戒不敢內犯風聲西達天日為開他時南溯閩廣北極淮楚海宇庸謐元之樂業將不藉此為權輿邪會邵守曾侯暨諸僚屬以贈言予知言者而實知公遂書以為贈并以為吾人慶

范欽天一閣集卷十八

劉觀察出師圖序

浙以東辰帶滄海當倭奴出沒之衝高皇混一函頁北起

渤海南迄瓊廣所在列城布戍峙糧繕艦延亘萬里以備倭名勢若常山之蛇而尤如意吾寧海山居民制于置內地慮宏遠矣後更董以憲臣璽書行事正嘉加以未承平備弛倭遂首犯境上南圻閩廣延蔓繹騷幸藉朝廷寵靈將士効死力歷十餘年而後稍靖然猶不解備也歲矣酉見嵩劉公以名御史積閱未視事悉心經畫起什滌蠹威聲達於海島烽燧不興說者因謂募兵戰艦當裁省而輕銳牟利之徒倡言海上金塘大榭諸山聽民墾田歲入可數十萬以佐軍興業已議

行公爭之疆曰某嘗望壽之熟矣夫海警猶疾瘧然善  
理身者不以疾間而已揚善御變者不以患輟而弛防今  
雖幸謚顧我心叵測又閩廣積被兵浙稱稍完胡能保  
其無犯夫不能制命萬里之外而欲懈一日之備兵艦寧  
當省耶高皇惜民重土乃捐膏腴之地長慮却顧宜  
有大不得已者以倭也土既就墾不幸而寇竄據入其  
中更出迭入且耕且戰東南詎有稅駕之期計懷桑  
土誠罷舉便主者遂不能奪明年春公乃擐甲提兵  
躬臨海上部分諸將整舟師結為五花之陣魚貫而

進旌旗蔽空戈鉞炫目瞬息乘風千里一壑觀者環  
堵疑若從天而下蓋自耀兵以來未有若斯之雄也居  
無何謀者稱倭自對馬諸島西向公即督裨將徐景星  
於浪岡洋馬自道陳應良於陳錢洋授以機宜各逆  
戰而參將艾君升寔帥之攻其中堅以奇兵遠出其後  
賊大敗俘馘以數百計餘悉溺海無筭班師凱至公於  
是有侈伐矣艾君追敘前勩以出師繪圖某披覽之避  
席而言曰嗟乎余觀於是而知公之有五善也何以故四郊  
多壘辱在大夫自倭奴發難當守拊解思賢延攬群

策宵旰不遑期以保固金甌斯亦主憂臣辱時也乃今  
露布四馳奏凱稱慶足抒南顧之瞻端撫穆清社稷  
之隸公寔尸之此翊國之忠也善而弗彰盛而弗傳以之先  
後者耳公尊君一巖先生以浚德直節名青瑣已又藩  
臬吾浙憲風采凝峻令夏里解綬積官至大廷尉民到  
于今思之庭訓之漸固宜光紹令聞是父是子韋陳不得  
擅譽矣此承家之孝也小人何知家其利者為有德民間  
積苦兵革瘡痍甫起杼軸猶空一聞砲鼓之警言束身  
待斃今幸保有家流移未歸飲水知源醫系誰之賜此極

民之仁也語有之謀大事者不計小費務遠畧者不營近  
功蓋自古然矣藉今如彼議將使敵入國門倉皇治戰  
阨必爭之地拱手授人是猶以空拳搏虎藉寇兵而彌盜  
糧也寧當首鼠兩端悔醫噬臍昌言力爭不為亢矣此  
圖事之哲也三軍之命懸於一人勝負無端呼吸立變彼且  
狃於嘗勝豨突狼噬巨海渺漫難以爭鋒行百里者半  
九十誰能長駕遠騁功收一戰公以偏師挺前決策制勝曾  
無一鏃之費先人有奪人之心是矣此克敵之勇也謂之  
五善不既信乎雖然此特就公之伐而竊論之者如此若

夫請劍之節埋輪之風海內紳縉猶能縷舉以為法程固  
自在也余復何言

天一閣集  
卷二十二

### 送李高州序

揚粵遊在五嶺之外秦時始通中國治後靈秀崛起人  
文輻輳與中土齒殆若東西州然高州斯其一也顧其地東  
南距海當倭奴衝水深潮平呼吸生變危崖柱介在西北山  
菁叢隘狹撞鈔掠非常所司迭治戰守亦既勞備矣  
主上睠焉南顧嘉惠元之屢詔主爵妙選才曷以次其治理  
會太守缺遂以吾寧郡丞李君往諸博士聞之儼然未造

以贈言請余具述其狀且曰諸賢習見當世之故將何為公

決策乎辭不獲已於是李子逢曰蒙聞兵法制人不制於

人故先人者有奪人之心海濱沙帶限門故稱天造倭奴營

保土殆不容一日弛岑容瀧春之間賊未若狼噬去若鳥

舉蕉林獅子諸堡可無嚴乎是在慎防林子逢蔣子炳

曰治不脩武是謂無國士不素練是謂無兵身俗好攻擊

以勇贖聞惟當教之有素崔清獻為帥日三等教閱

分付布有法軍聲大振循而行之不較若反掌乎是在練

戎余子漸戴濟其曰兵不知將之不知兵者危故投醪者

悅挾纊者奮回甘苦者可赴水火山有猛獸藜藿不採  
國有虎士敵詎不畏乎是在遊將劉子大經楊某曰上兵  
伐謀良將攻心倭奴率藉土人嚮導守土官者又徭獯倚  
以為命陽示效順陰懷要脅計在居嘗邏察無間  
可秉細則立斷鉅則開請彼且脅自不暇矣何變之能  
為是在離搆余曰諸賢之論誠委備矣毋亦探其本乎  
傳有之非聖人外寧必有內憂由成化末嶺以西頻年用  
兵一行軍需不無倚辦於民重以倭奴跳梁力圖捍  
禦重十餘年固宜疲於奔命瘡痍甫起所望人上者

加意撫救招流移課農桑寬賦稅省徭役停追呼  
後刑罰一切以簡易安靜行之日滋月累必將內能知方  
外思敵愾前所論者復次第脩舉以此攘寇何寇不  
摧以此守陴何陴不堅非探本之謂乎諸賢迴避席起  
曰籌幾者酌重輕應務者慎緩亟猶之良醫首視疾  
標本以為後先斯底於安李君夙夜在事孳々民隱  
務惇大體畧苛細所在聲績著聞于寧猶懋茲行如  
駕輕車馳熟路持利刃入無間不待擬議而綽然古之  
循良可想見矣願以出言聯綴之而歸而書諸旌閣天一

倭王刀子歌答丁右武

丁家次卿有寶刀海氣熒々秋色高  
可是三年綠烟裡精華落盡成吹毫  
聞道海王首鑄此擊鼓童男祀刀子  
抽鷲片電流人目繞怯纖冰墮寒指  
君今捉刀當贈誰與君對江心不疑處  
從行足知已一片床前光陸離

湯顯祖玉

茗堂詩集卷五



